



## 阿媽

又閣是一个落雨的暗暝  
害阮想起細漢時  
雷公爍爍(nah) 佇阮身軀邊的你  
予阮毋驚雷公的創治  
阿媽你講雷公伊毋是故意  
愛感謝天公送雨水  
予土地有清芳的氣味  
予花蕊開甲遮爾嬌(suí)

又閣是一个美麗的暗暝  
想起你佢阮鬥陣看天星  
唱歌予我聽 抱阮去看歌仔戲  
你教阮 叫阿母 叫阿爸  
你陪阮吼 陪阮走  
我攏知影晟(tshiánn)我的恩情你上大

想欲永遠陪伴你  
啊毋過你講讀冊較重要  
毋通耽誤 緊倒轉去  
規年迴(thàng)天  
我上佢意歇熱佢過年  
親像跔底抹油 飛去你身邊  
佢你答喙鼓 替你齧(khè)瓜子  
阿媽講伊毋捌字 逐遍我若離開  
就無人會當替伊唸報紙講電視  
阿媽 阮真正毋甘離開你

逐擺受傷 攏會想著你  
替阮糊藥仔 疼我疼入心  
目一瞞(nih) 我大漢矣  
煞袂當佢你來做伴  
你的目屎攏是孤單  
看你艱苦倒病院  
才發現你的身體不比當初時  
拖著病苦的身體  
共阮講人生路歹行  
阿媽袂當閣陪你  
愛家己勇敢去面對  
想欲加講幾句話  
煞等袂到你清醒  
原來你已經偷偷仔來離開  
阿媽 敢講無聽著阮咧(teh)叫你

閣一擺夢見你  
透早焠(tshuā)我去幼稚園仔  
暗時佇廟埕搶椅仔看電影  
枝仔冰 紅龜粿  
咱永遠是一人一半  
我講大漢欲買樓仔厝予你躑(tuà)  
咱閣握手頓印仔  
是按怎你無照約束等我  
灶跔 豬牢 菜園仔 攏看無你的影  
到這陣 猶原袂慣勢聽無你的聲

雨水拍醒平靜的暗暝  
敢是欲來帶思念轉去天頂予你  
天頂的你是佗一粒星  
佇遐躑了敢會四序(sù-sī)  
天公伯仔一定會保庇你  
有一工 咱會閣相見

阿媽 感謝你  
感謝你予阮勇氣  
感謝你陪我搬人生的戲  
你的好 你的愛  
阮會永遠記佇心裡(--lí)  
阿媽 祝福你

### 創 作 理 念

一位和我相差快一世紀的女人，竟能在我生命起航時掀起如此美麗的漣漪，如今她帶著動人故事繼續下一段旅程，我決定將她的愛譜成詩，讓世人為她讚揚、讓她的善良在世間有美的循環！

張怡沁

亞洲大學生物科技系

